

Joshua

Pariverena

Wei bukana e ririweta da menanare mai Israel i rui au Canaan da rava kampa maemaei i vovaiubai. Ma nanare e ririweta da mai Israel menanare dobu i ġutanei ai dam 12 awari. Wei bukanawavana Joshua aubaina bukana au karena e ririweta da aiwai aubaina da Joshua i terei da mai Israel ai bada, maranai Moses i 'raġe.

BADA, Joshua i vinei

¹ Maranai BADA ana taunola Moses i 'raġe; ma Joshua, Nun natuna ma Moses ana tauagu i riwei, ² "Au taunola Moses i 'raġe. Marina mai Israel maiteni ona vokaukaua ma Jordan ona damani da dobu a vereveremiana kampa ona ġeta. ³ Metaui dobui ae-lapalapami o terei, lamna ina viġarimie, Moses wenanare a parivainuāġani. ⁴ Ami dobu lamna mutulua Negev da Lebanon; au waira Euphrates (au maramatanei) da mai Hitti ai dobu anatapuna da i ġaira madeġa e arearere lana Mediteranean au bogana. ⁵ [◊]Eġa aiai ina vobelem bo ina viubaim am au lawana. Tau awarim ana mae, me Moses awarina a kaukauei nanare. Tau eġa melanai ana tere-ġairem bo ana voterem.

⁶ [◊]—Parivainuāġana bagibagina a kuae wei ravai noinooi maiteni da wei dobuna ana verei. Lamna aubaina ma virewapana ma tepam ina tora ma am rava ma ruiei wei au dobuna. ⁷ Anina

[◊] **1:5:** Deu 31:6, 8 [◊] **1:6:** Deu 31:6-7, 23

ma virewapana ma tepam ina tora; ma nuanuam ega ina vuru da tarawatu Moses i verem, anata-puna ma voteletelei. Ma ma vojijina-kuae da awarina ega ma dega au oiem bo au kelakelaum da aiwai anatapuna e kaukuae ina ai.⁸ Marana patap-atai wei tarawatuna ma iaiaivi. Ma marai da wagu-varai ma vinua-notenotei; wei lamnei tarawatu anatapuna ma aramanei. Mepa da wenanare ma kuae lamna tam ma maura ma nuaiai gaegeaena ma nelaiga kaua au anatapuna.”

5

Raōona naona au Canaan

¹⁰◊ Mai Israel au Gilgal i mae Jeriko au wapuna. Ma Aupom vi-14-na aubigai nawaravi naona taui raōona torelana i apui. ¹¹⁻¹²◊ Ma ubaubanai ġelauna, raōona au murina, taui witi au wapu i tuarui ma palawa dabababai i apui ma i am. Ma ubaubanai ġelauna Manna raua i voterei, taui wei lamna ega ita am-melei, ma ai lam wapuei i tuarui. Mai Israel ega manna ita am-melei, lam ai au doa au dobu Canaan i vaia da i amam.

24

Muriai Joshua ma mai Israel mai Canaan maiteni i viġaiġaiawa, dobu au giana da au giana. Ma dobuna ravai i viragħeni, wate ġelaui ega ita viragħeni ma maiteni i mae. Muriai Joshua dobu i ġutai Israel ana dam twelve awari. Taui i nae ma ai doa i maeni

◊ **5:10:** Exo 12:1-13 ◊ **5:11-12:** Exo 16:35

melagai nonoana mai Canaan i voavoia. Madeḡa maḡamaḡaui i kwa ma Joshua mai Israel i vitagogiana-melei.

Mai Israel i riwa da BADA ina vitaunolei

¹ Muriai Joshua dam anatapui i ġorei da au Shekem ita vitagogiei. Maranai kampa i ġeta Joshua, dogadogara, dam babadai ma melagai babadai i ġoreiai da ita nae BADA au naona ita mairi.

² Joshua rava anatapui i riwei i pa, “BADA mai Israel ai Ġod e ririwa, ‘Wariāġa noimi Terah ma natunatuna Abraham ma Nahor waira Euphrates au baba ġelauna i mae, ma god maḡamaḡaui i raraudunelei. ³ [◊]Wate noimi Abraham nai dobunei a vaitawanei ma i naiei da Canaan doana ana tapuna a viatataiei, ma ana epaepaia a vimāġai. Ma natuna Isaac a verei.

¹³ —Tau dobu a veremi ana debagauna ma ana peipeina, doana eġa ota nolei ma taon gaeġaei a vereoimi, marina o maemaeni, eġa ota voai, ma grape ma olive o amam wate eġa, taumi ota paewi.’

¹⁴ —Lamna aubaina BADA ona votetelelei ma orami taputapunei ona vipatutu. Noinoimi god morumorui kokoitau, i raraudunelei au Egypt bo au waira Euphrates ona kwajiei au modu ma BADA ainelana ona viborumei. ¹⁵ Wate mepa da BADA viborumeina o geduaiei, lamna amadodo ona vine da noinoimi ai god waira Euphrates au baba ġelauna bo marina ravai ai au dobu o mamae mai Amori ai god ona nolei. Wate tau au numa ravai maiteni BADA ana viborumei.”

[◊] **24:3:** Gen 12:1-9; Gen 21:1-3

16 Ma rava i paribelei, “Tauai eġa melanai ai BADA ana voterei ma god ġelaui ana viborumei. **17** BADA ata God tauoina au Egypt i tere-opuneta noinoita maiteni maranai au Egypt ta vilaraga. Ma kaua vivirewapanai ma anība i kauei au mataiai. Ma ai au vaġai manamanaina i painiai dam ġelaui au poui da wei au paratana. **18** Mai Amori ma dam ġelaui wei au dobuna i mamae wate BADA aubaina ravai i viāġaġana-opunei. Lamna aubaina tauai BADA ana borumei, aubaina tauna ainelana ata God.”

Wedau Mark
The Gospel of Mark in the Wedau Language of Papua
New Guinea
Buk Mak long tokples Wedau long Niugini

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

PDF generated using Haiola and XeLaTeX on 11 Nov 2022 from source files
dated 9 Oct 2020

aa19f3e3-98fb-51fa-9c53-3906edc75f11